

Parada cu luz na San Nicolas cu prome paso exitoso



ORANJESTAD(AAN): U n cuarto pa 9 e parada "cu luz", cu no ta un "parada di luz" (ni lighting parade) manera hopi hende no kier a tende di e nombrenan aki a expresa, a cuminsa na Joe Laveist Sport Park.

POPO a califica e parada di tabata un "Jolly Lights Jump" cu a resulta un exito grandi pa e ambiente cu a ser crea cu e disfraznan y T-shirtnan cu luz.

No solamente pueblo di San Nicolas, pero di tur rond di nos isla cua presencia e parada aki a goza masha hopi di dje, ya expresa palabranan di satisfaccion cu e no a resulta di ta un parada di luho, ni imitacion di parada di luz di Aruba Tivoli Club.

E expresionnan tabata mas bien pa e keda un parada "Jolly" cu disfraznan decora

cu luz y cu loke usa riba cabez, sea petchi of sombre of otro articulo, tambe keda decora cu luz.

Cuatro grupo acompaña pa 5 banda musical den e parada aki a jump na nan antoho.

Despues di e vehiculo policial na comienzo, a sigui auto capa baha cu Reina Infantil di Carnaval Chanelle Fortin, kende a goza di aplauso di publico for di comienzo di parada te final. Chanelle a wordo sigui pa un grupo di mas o menos 50 persona, entre nan Mr. Carnaval Hubert Rivero.

Mes ora cu NBO como banda a presenta e grupo di Coastal cu 35 persona cu ketelpak of coverall bisti y tras di NBO ainda 170 persona mas, tur di nan como trahadoman di refinaria, di construccion, bomberonan,

mineronan etc. cu helm cu flashlight riba dje y den man tambe flashlight.

Despues di e bartruck di Heineken, a sigui banda musical Le Groove cu na principio no tabata tin hende su tras, ya cu mester a tene distancia di Musical Time cu tabata acompaña e grupo di Flintstones di mas o menos 50 persona conta tambe.

BMW a presenta prome cu e grupo di Setar, cual grupo tabata cu T-shirt y sigur no e cantidad cu tabata ser menciona na canalnan di television y na emisoranan, di mas di 150, ya cu tabata trata di 78 persona for di comienzo pa Postkantoor, y na final di Lagoweg e conteo tabata di 85 persona.

E grupo aki a keda masha representable e anochi aki, cu nan T-shirt decora cu luz y tambe luz riba cabez cerca

esnan cu tabata tin esaki. Setar su grupo a habri caminda tambe pa otro aña mas empresa uni cu nan invitadonan pa haci mescos. Despues di Van cu a sigui, tabata tin e truck cu un bunny comercial riba dje, y mes ora su tras e grupo di Patrice, "Jungle Fantasy" cu 45 persona bisti como tigran y figuranan africano cu cuero di tigre.

E grupo aki tabata tin tambe su jeep di Safari su tras y finalmente Dushi Band.

For di Sport park pa Postkantoor, Dushi Band a logra acumula un 300 persona den "Last Lap", pero di eynan, e hendenan a sigui yena nan tras, cu na final di Lago weg, tabata tin mas di mil hende ta bula cu Dushi Band.

Por a ripara cu no ta tur persona cu mester a participa tabata presente e anochi aki tampoco, segun e gruponan, y anuncianan na emisora di probable mal tempo, di awacero cu a cay anteriormente y posibilidad cu lo cancela e parada, a pone cu hopi hende no a presenta pa

nan grupo, y esaki tambe a causa cu e parada a sali mas laat tambe.

Cu e "Jolly lights Jump" aki San Nicolas sigur a haya un actividad atractivo di carnaval, y na manera cu e carnavalistanan cu sa bishita actividadnan na San Nicolas ta gusta y keda encanta cune. Un pabien grandi sigur ta na su lugar pa e organizadonan cu e actividad aki cu sigur lo no por para mas.

TA BENDE

NISSAN STATION
WAGON '98
STANDARD, DEN HOPI
BON CONDITION
AFL. 14.900,=
TEL: 945112/935803

TA BENDE

V.W. GOL '98
DEN TOP CONDITION
TEL: 824381



THE CARIBBEAN UNIVERSITY OF ARUBA
ORGANISEERT OP Veler Verzoek


EEN 2E INFORMATIE-AVOND OMTRENT DE OPLEIDING

**MASTER OF MANAGEMENT
IN
DIENSTVERLENENDE ORGANISATIES
(MM)**

DATUM: 20 FEBRUARI 2001
TIJD: 19.00 - 21.00

PLAATS: HERMAN GORTERSTRAAT # 13
(T.O. COLEGIO ARUBANO)

DE OPLEIDING START IN MAART 2001
I.S.M. DE UNIVERSITEIT UTRECHT



Herbert Diaz; wnd-hoofd S.V.B.
De eerste geslaagde van de 1e Opleiding - MM

Aanmelden: Tel 885835
E-mail: inzaya@setarnet.aw

Fax: 884173

Samapiba cu Heart 2 Heart Party mañan anochi

ORANJESTAD(AAN): Asociacion di Filipinonan na Aruba, SAMAPIBA mañan anochi ta tene nan "Heart to Heart Party" na Roseland Ball room for di 10 or anochi pa 2 or di madrugada.

E programa ta inclui e gran final di "Karaoke Star

2001", ballroom dancing contest, mihor pareha, etc. y tambe lo entrega e Aruban/Filipino Award 2000.

SAMAPIBA ta spera cu tur filipino y nan amigonan lo asisti na e fiesta aki y duna apoyo na nan candidatonan den e diferente concursionan

cu lo ser teni.

Na Manila Hit y Filipiana y na Roseland lo por haya carchinan pa e "Heart 2 Heart party".

TELEFONNAN DI DIARIO
826747- FAX 828551